

# 医宗金鉴

(第八分册)

## 幼科杂病心法要訣

清·吳謙等編

人民衛生出版社

# 幼科杂病心法要訣

清·吳謙等編

人民卫生出版社

## 内 容 提 要

《医宗金鉴》刊行于清乾隆七年(公元1742年)，是当时清政府编辑的医学丛书。原书共90卷，本书系其一部分，原书卷次50~55卷。

本书内容，首列新生儿护理法，次叙小儿各种主要和常见的疾病，以及治疗方法。由于本书采用歌诀体裁，便于诵记，对于学习或研究中医儿科，很有参考价值。但书中内容，有些不尽符合现代要求的提法，尚希有分析地接受。

### 医宗金鉴

#### 幼科杂病心法要诀

开本：787×1092/32 印张：5 $\frac{6}{16}$  字数：116千字

清·吴 谦 等 编

人 民 卫 生 出 版 社 出 版

(北京书刊出版业营业登记证出字第〇四六号)

· 北京崇文区横子胡同三十六号 ·

北京新华印刷厂印刷

新华书店北京发行所发行·各地新华书店经售

统一书号：14048·2758 1963年9月第1版—第1次印刷  
定 价：0.36 元 印 数：1—41.000

# 幼科杂病心法要訣目录

## 〔医宗金鉴 卷五十〕

<b>幼科杂病心法要訣</b>	7	不乳	23
<b>四診总括</b>	7	眼不开	24
察色	7	吐不止	25
听声	10	不小便	26
审病	11	不大便	27
切脉	12	大小便不通	27
虎口三关部位脉紋形色	13	肛門內合	28
<b>初生門上</b>	18	噤口	29
拭口 附：下胎毒法	18	撮口	30
断臍	20	臍湿臍疮	31
浴儿	20	臍突	31
藏胎衣法	21	臍風	32
天德月空	21	天鈞	34
剃头	22	內鈞	35
不啼	22	盘腸气痛	36

## 〔医宗金鉴 卷五十一〕

<b>初生門下</b>	37	胎黃	44
目烂	37	胎赤	44
悬痈	37	赤游風	45
重齶	38	初生无皮	47
鶯口	38	变蒸	48
吐舌	39	惊風門	49
弄舌	40	惊風总括	49
重舌	40	惊風八候	50
木舌	41	通关急救法	50
堁乳	41	急惊風	51
夜啼	43	急惊后调理法	53

慢惊風	54	阳癇	58
夾熱夾痰慢惊	55	惊癇	59
慢脾風	56	痰癇	60
癇证門	57	食癇	60
癇证总括	57	風癇	61
阴癇	58		

## 〔医宗金鉴 卷五十二〕

疳证門	63	吐证总括	80
疳证总括	63	辨嘔吐癥证	81
脾疳	63	伤乳吐	81
疳泻	64	伤食吐	82
疳肿脹	65	夾惊吐	83
疳痢	66	痰飲吐	83
肝疳	66	虫吐	84
心疳	68	虛吐	85
疳渴	68	实吐	85
肺疳	69	寒吐	86
腎疳	70	热吐	86
疳热	71	泻证門	87
脑疳	72	泻证总括	87
眼疳	73	伤乳食泻	87
鼻疳	74	中寒泻	88
牙疳	75	火泻	88
脊疳	76	惊泻	89
蛔疳	77	臍寒泻	90
无蟲疳	78	脾虛泻	90
丁奚疳	79	飧泻	91
哺露疳	79	水泻	91
吐证門	80		

## 〔医宗金鉴 卷五十三〕

感冒門	93	感冒風寒总括	93
-----	----	--------	----

伤風	93	痢疾总括	108
伤寒	94	寒痢	108
感冒夹食	95	热痢	109
感冒夹热	96	时痢	110
感冒夹惊	97	噤口痢	110
瘟疫門	98	瘧疾門	111
瘟疫总括	98	瘧疾总括	111
溫病	98	寒瘧風瘧	111
風溫	99	食瘧	112
热病	100	瘧痰瘧飲	113
瘧疫	100	咳嗽門	113
瘧癰疹癆	101	咳嗽总括	113
暑证門	102	肺寒咳嗽	114
暑证总括	102	肺热咳嗽	114
中暑	103	食积咳嗽	115
伤暑	103	風寒咳嗽	116
暑風	104	喘证門	117
暑厥	105	喘证总括	117
霍乱門	106	火热喘急	117
霍乱总括	106	肺虛作喘	118
湿霍乱	106	風寒喘急	119
干霍乱	107	痰飲喘急	120
痢疾門	108	馬脾風	121

## 〔医宗金鉴〕

痰证門	122	胎疝	125
痰证总括	122	阴肿	126
燥痰	122	小腸气	127
湿痰	123	淋证門	129
痞证門	123	淋证总括	129
痞证总括	123	寒淋	129
寒疝	124	热淋	130
湿热感寒疝	125	石淋	130

血淋	131	阳黃	136
头痛門	132	阴黃	137
头痛总括	132	水肿門	138
風寒头痛	132	水肿总括	138
內热头痛	133	風水肿	138
腹痛門	133	湿水肿	139
腹痛总括	133	風湿肿	140
食痛	134	阳水	141
寒痛	134	阴水	142
虫痛	135	腹脹門	143
內食外寒腹痛	135	腹脹总括	143
黃疸門	136	虛脹	143
黃疸总括	136	实脹	144

## 〔医宗金鉴〕

## 卷五十五

发热門	145	失血总括	153
諸热总括	145	衄血	154
表热	145	吐血	155
里热	146	便血	156
虛热	147	溺血	158
实热	147	杂证門	159
积滯門	148	二便秘結	159
积滯总括	148	气虛脫肛	159
乳滯	148	肛肿翻肛	160
食滯	149	龟胸	160
癰疾門	149	龟背	161
癰疾总括	149	五軟	162
癰疾	150	五硬	162
汗证門	151	五迟	164
汗证总括	151	鹤膝風	165
自汗	151	解顱	165
盜汗	152	頤陷	166
失血門	153	頤墳	167
		中恶	168

## 〔医宗金鉴 卷五十〕

**幼科杂病心法要訣****四 診 总 括**

儿科自古最为难，毫厘之差千里愆，气血未充难据脉，神識未发不知言。惟凭面色識因病，再向三关診热寒，听声审病兼切脉，表里虛实隨证参。

〔注〕儿科一道，自古为难。盖以小儿形质柔脆，易虛易实，調治少乖，則毫厘之失，遂致千里之謬。气血未充者，气血尙未充盈也。难据脉者，脉无定准，不可只以脉为主也。神識未发者，茫然无知識也。不知言者，不能言其疾苦也。診小儿之病，惟凭察面部形色，識其因何而生也。三关者，手虎口处風、气、命三关也，当視脉紋形色，以診其屬热、屬寒也。听声者，听其五声所主之病也。审病者，审其安、煩、苦、欲、飲食、二便也。切脉者，切脉之浮、沉、迟、數、滑、澀、大、小、有力、无力也。医者誠能以四診參合表里、虛实、寒热之病，則可保万全也。

**察 色**

欲識小兒百病原，先从面部色詳觀，五部五色應五藏，誠中形外理昭然。額心頰腎鼻脾位，右腮屬肺左屬肝，青肝赤心黃脾色，白為肺色黑腎顏。青主惊風

赤火热，黃伤脾食白虛寒，黑色主痛多惡候，明顯浊晦輕重參。部色相生為病順，部色相克病多難，相生實者邪助病，相克虛者正難堪。天庭青暗驚風至，紅主內熱黑難痊，太陽青驚入耳惡，印堂青色驚瀉纏。風氣青驚紫吐逆，兩眉青吉紅熱煩，鼻赤脾熱黑則死，唇赤脾熱白脾寒。左腮赤色肝經熱，右腮發赤肺熱痰，承漿青驚黃嘔吐，黑主抽搐病纏綿。此是察色之大要，還將脉證一同參。

〔注〕小兒之病，先從面部氣色觀之。詳察五部之色，則五



〔图一〕 面部图

藏之病，自昭然可見矣。五部者：額屬心，頰屬腎，鼻屬脾，左腮屬肝，右腮屬肺也。五色者：青為肝色，赤為心色，黃為脾色，白為肺色，黑為腎色也。如面青主是惊風之证，面赤主火熱，面黃主傷脾傷食，面白主虛寒，面黑主痛，多是惡候。總之五色明顯為新病，其證輕；濁晦為久病，其證重。部色相生為順者，如脾病色黃，此正色也。若見紅色，乃火能生土，故為順也。若見青色，乃木來克土，故為逆也。余病仿此。若氣血充實，又遇部色相生，縱有外邪助病，亦易為治療。若久病氣血虛弱，又遇部色相克，則正氣不支，每難治療。如天庭青暗，主驚風，紅主內熱，黑則不治。太陽青，主驚風，青色入耳者死。



〔图二〕 面部五臟部位图

印堂青，主惊泻。風池在眉下，气池在眼下，二处青主惊風，紫多吐逆。两眉青主吉，紅色主多煩熱。鼻赤主脾熱，鼻黑則死。唇赤主脾熱，白主脾寒。左腮发赤主肝經有熱，右腮发赤主肺熱痰盛。承漿青主惊，黃主吐，黑主抽搐。此皆察色之大要，再以脉证参之，庶治得其要矣(图一、二)。

## 听 声

診儿之法听五声，聆音察理始能明，五声相应五藏病，五声不和五藏情。心病声急多言笑，肺病声悲音不清，肝病声呼多狂叫，脾病声歌音顫輕，腎病声呻长且細，五音昭著证分明。啼而不哭知腹痛，哭而不啼将作惊，嗞煎不安心煩熱，嗄声重感寒風。有余声雄多壯厉，不足声短怯而輕，多言体热阳府证，懶語身冷阴藏形。狂言焦躁邪热盛，譖語神昏病热凶，鴨声在喉音不出，直声无泪命将倾。虛实寒热从声別，聞而知之无遁情。

〔注〕小儿之病，既观其色，又当細听其声。盖笑、呼、歌、悲、呻五声，內应心、肝、脾、肺、腎五藏也。五声不和，则知五藏有病之情矣。如心屬火病，則声急喜笑；肺屬金病，則声悲音浊；肝屬木病，則声狂叫多呼；脾屬土病，則声顫輕如歌；腎屬水病，則其声长細如呻吟。有声有泪声长曰哭，有声无泪声短曰啼。如啼而不哭，则气不伸暢，主腹痛；哭而不啼，则气急心煩，将成惊也。嗞煎不安者，乃心經內热，故煩躁不宁也。嗄声，音哑也。声重，声浊也。此为外感風寒也。有余之证其气实，故声雄大而壮厉；不足之证其气虛，故声怯弱而輕短。多言与身热皆阳也，阳主府，故曰阳府证也；懶語与身凉皆阴

也，阴主藏，故曰阴藏证也。狂言焦躁者，邪热盛也；神昏譫語者，热乘于心，故曰病热凶也。鴟声，声在喉中而哑，气将絕也；直声，声无回轉而急，气将散也，二者俱为不治之证。医者果能以此察之，则知表里藏府，寒热虛实諸病之情态无所遁矣！

## 审 病

审儿之病貴詳參，要在安煩苦欲間，能食不食渴不渴，二便調和通秘勘。发热无汗为表病，內热便硬作里看，安煩昼夜阴阳证，苦欲冷暖定热寒。能食不食胃壯弱，渴与不渴胃濕干，便稠粘秽为滯热，尿清不赤乃寒占。耳尻肢涼知痘疹，指梢发冷主惊癇，肚腹熱悶乃內热，四肢厥冷是中寒。眉皺曲啼腹作痛，風熱來臨耳熱纏，腹痛須按軟与硬，喜按不喜虛实參。欲保赤子誠心辨，对证施方治不難。

[注]小儿有病，貴乎詳審，先問起居、安煩、苦欲何如？次問飲食能食、不食？渴与不渴？又次問二便或通、或秘？而后病源可識矣！如发热、无汗，此邪在表也；內热便硬，此邪在里也。安煩者，謂昼若煩熱而夜安靜，是阳旺于阳分，其病在阳；若夜煩熱而昼安靜，是阳陷于阴分，其病在阴。苦欲者，喜冷惡熱皆屬陽病，故為熱也；喜熱惡冷皆屬陰病，故為寒也。胃壯者能食，胃弱者不能食，胃干燥者口渴，胃濕盛者口不渴。至于大便稠粘，秽氣難聞者，是內有滯熱，从熱化也；小便清白，不赤為虛寒，从寒化也。若耳梢冷，尻骨冷，四肢發冷者，此痘疹欲發之候。如單指梢發冷者，此驚癇將作之征。肚腹熱悶主內熱，手足厥冷主中寒。小儿無故皺眉曲腰啼叫者，主

內因腹痛也。两耳常常发热者，主外因風热也。然腹痛又当按其或軟与硬，若喜按者为虛，不喜按者为实。保赤者須誠心勘問，对证施治，庶随手奏效矣！

## 切 脉

小儿周岁当切脉，位小一指定三关，浮脉輕取皮肤得，沉脉重取筋骨間。一息六至平和脉，过則为数减退傳，滑脉如珠多流利，濇脉滯澀往来艰。三部无力为虛脉，三部有力作实言，中取无力为芤脉，微脉微細有无間。洪脉来盛去无力，数緩时止促結占，紧脉左右如轉索，弦則端直張弓弦。浮为在表外感病，沉为在里內伤端，数为在府屬阳热，迟为在藏乃阴寒。滑痰洪火微怯弱，弦飲結聚促惊癇，芤主失血濇血少，沉紧腹痛浮感寒。虛主諸虛不足病，实主諸实有余看，痘疹欲发脉洪紧，大小不匀中恶勘。一息三至虛寒极，九至十至热极炎，一二十一十二死，浮散无根沉伏难。表里阴阳虛实診，惟在儿科隨证参。

〔注〕周岁者，一岁也。有疾則当切脉，但部位甚小，不能以三指診之，須用一指以定三关。三关者，寸、关、尺也。浮脉者，輕取皮肤之上即得，故曰浮也。沉脉者，重按筋骨之間則見，故曰沉也。一息者，人之一呼、一吸也。至者，脉之至数也。一息六至为和平之脉，則曰无疾。至数若过者，七至、八至也，謂之数脉。至数若減者，四至、五至也，謂之迟脉。滑脉如珠，往来流利；濇脉滯澀，往来艰难。三部者，脉之浮、中、沉也。浮、中、沉三部无力为虛，浮、中、沉三部有力为实。芤脉者，中取

无力；微脉者，按之微細，若有若无；洪脉者，来时虽盛，去时无力；促脉者，数而时止；結脉者，緩而时止；紧脉者，左右如轉索之象；弦脉者，端直如張弓弦，此皆言脉之形象至数也。浮脉病在表，外感風寒也；沉脉病在里，內伤飲食也。数脉，病在六府屬阳也；迟脉，病在五藏屬阴也。滑主痰盛，洪主火热，微主怯弱之证。弦主停飲，結主积聚，促主惊癇，芤主失血，濡主血少。沉紧主腹痛，浮紧主感寒。虛为不足，主諸虛；实为有余，主諸实。洪紧者，痘瘡欲发也。大、小不匀者，中恶之证也。一息三至是虛寒之极，九至十至乃火热太甚。此諸脉所主之病也。若一息只一至、二至，或十一、十二至者，盛死脉也。浮散无根，及沉伏取之不应指者，皆难治之脉也。凡病之阴阳表里虛实，虽可以診脉而得，惟临证时合望、聞、問三者，細为参考焉。

### 虎口三关部位脉紋形色

初生小儿診虎口，男从左手女右看，次指三节風氣命，脉紋形色隐隐安。形見色变知有病，紫屬內热紅傷寒，黃主脾病黑中惡，青主惊風白是疳。風关病輕氣关重，命关若見病多難，大小曲紫伤滯热，曲青人惊走兽占。赤色水火飞禽扑，黃色雷惊黑阴癇，长珠伤食流珠热，去蛇吐泻来蛇疳。弓里感冒外痰热，左斜伤風右斜寒，針形枪形主痰热，射指射甲命难全。紋見乙字为抽搐，二曲如鈎伤冷傳，三曲如虫伤硬物，水紋咳嗽吐泻环。积滞曲虫惊魚骨，形似乱虫有蛔纏，脉紋形色相参合，医者留神仔細观。

[注]凡初生小儿有疾病者，須視虎口叉手处脉紋之形色，

以决病之生死輕重。男先看左手次指內側，女先看右手次指內側。指之三节，初节曰風关，次节曰气关，三节曰命关。其紋色紅黃相兼，隐隐不見，則为平安无病。若紋色紫屬內热，紅屬伤寒，黃為伤脾，黑为中惡，青主惊風，白主疳证。紋在風关主病輕，气关主病重，若过命关主病危难治。

又当視其紋形大、小、曲、弯。色紫者主伤食內热，色青者主人惊及走兽惊，色赤者主水、火、飞禽所惊，黃主雷惊，黑主阴癆。如指上紋形一点紅色，名曰流珠紋，主內热；圓长者名曰长珠形，主飲食伤；上尖长下微大者，名曰去蛇形，主伤食吐泻；上大下尖长者，名曰来蛇形，主湿热成疳；弓反里者，形灣向中指，主感冒寒邪；弓反外者，形灣向大指，主內热痰盛；紋斜向左者，其紋斜向中指，主伤風；紋斜向右者，其紋斜向大



左手图




右手图


## 〔图三〕 虎口三关部位脉紋图

風关——次指第一节，气关——次指第二节，  
命关——次指第三节，虎口叉手处也。男先看左手  
次指內側，女先看右手次指內側。

指，主感寒。針形者，直若悬針微短；槍形者，直射如槍微長，皆主痰熱。透關射指、射甲者，其紋直射指甲指端，主脾氣大敗，病危不起，二者俱屬不治。乙字紋，似乙字，主驚風抽搐。二曲如鉤，主傷生冷；三曲如虫，主傷硬物。水紋形似水字，主咳嗽；環形聯絡如環，主疳病。曲虫紋如灣虫，主積滯；魚骨紋如魚刺，主惊熱；紋形如亂虫者，主蛔蟲纏擾。习幼科者，必以此形色合參，留神診察，始不悞矣(图四一二三)。



〔图四〕 长珠形



〔图五〕 流珠形



〔图六〕 去蛇形



〔图七〕 来蛇形



〔图八〕 弓反里形



〔图九〕 弓反外形



〔图十〕 纹斜向左形



〔图十一〕 纹斜向右形



〔图十二〕 针 形



〔图十三〕 枪 形